



927

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Bosna i Hercegovina Federacija Bosne i Hercegovine KANTON SARAJEVO	
PRIMLJENO	11-03-2026
01	24 58637-193

Broj: 14-02-04-01169/26

Datum: 06. 03. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-58637-70/25 od 11.02.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnice Elze Gaković koju je uputila u okviru 28. radne sjednice Skupštine Kantona Sarajevo, a koja glasi:

" Tražim da nadležne institucije Kantona Sarajevo hitno i bez ikakvog odlaganja ispitaju sve navode o psihičkom i fizičkom zlostavljanju četvorogodišnjeg djeteta u privatnoj predškolskoj ustanovi na području Kantona Sarajevo, o čemu su javnost i institucije upoznate putem medijskih izvještaja od 10. februara 2026. godine.

Tražim:

Hitno izuzimanje i osiguranje svih video-snimaka iz predmetne predškolske ustanove, uz zabranu njihovog brisanja, izmjene ili prikrivanja, te njihovo stavljanje na raspolaganje nadležnim organima. Da Ministarstvo za odgoj i obrazovanje KS, u saradnji s inspekcijskim organima, odmah izvrši vanredni inspekcijski nadzor nad radom navedene ustanove, uključujući:

zakonitost rada,

primjenu pedagoških standarda,

stručnu osposobljenost i odgovornost zaposlenih.

Da se nadležnim odgajateljima/vaspitačima koji se dovode u vezu s navedenim događajem privremeno obustavi rad s djecom do okončanja postupka, u skladu sa zakonom i principom zaštite najboljeg interesa djeteta.

Da Tužilaštvo Kantona Sarajevo i MUP KS bez odlaganja provedu sve istražne radnje radi utvrđivanja postojanja elemenata krivičnih djela, posebno onih koja se odnose na:

zlostavljanje i zanemarivanje djeteta,

povredu prava djeteta,

nesavjestan rad u službi.

Da se Centar za socijalni rad uključi u pružanje stručne i dugoročne psihosocijalne podrške djetetu i porodici, ali i ostaloj djeci koja su bila izložena ili svjedočila navodnim događajima. Da Vlada Kantona Sarajevo razmotri potrebu pooštavanja nadzora nad privatnim predškolskim ustanovama, kao i izmjene propisa kojima bi se spriječilo da se ovakvi slučajevi ikada ponove.",

obavještavamo Vas da je postupajući kantonalni prosvjetni inspektor izvršio usmjereni inspekcijski nadzor, dana 12.2.2026. godine u prostorijama Privatne predškolske ustanove "Bambini" Hadžići, te iz djelokruga poslova prosvjetne inspekcije utvrdio činjenično stanje, na okolnosti fizičkog i psihičkog zlostavljanja od strane odgajateljica [REDACTED], u periodu od 15 i 16 sati na dan 5.2.2026. godine.

U prijavi je navedeno da su navedenog dana odgajateljice malodobnom djetetu D.F. obukle pelenu preko trenerke, nakon što su ga upotrebljavajući fizičku silu stavile u hranilicu koja nije predviđena za dijete njegovog uzrasta, te drugu malodobnu djecu podsticale da ga ismijavaju, na šta je malodobno dijete rukama prekrivalo uši, nekontrolisano vrištalo i okretalo glavu, a odgajateljice su mu silom sklanjale ruke sa ušiju da bi slušaju uvrede. Nadalje su hranilicu okrenule prema zidu i na taj način ostavile malodobno dijete da gleda u zid 20 minuta, a kada se dijete uvjerilo da odgajateljica nema u prostoriji, samo je izašlo iz hranilice, rizikujući da polomi ruke. U prijavi je također navedeno da je sve snimljeno nadzornim kamerama, te da su obaviješteni MUP KS PS Hadžići, Centar za socijalni rad Hadžići i socijalni radnik na KCUS Pedijatrijska klinika, kako slijedi:

- Rješenje o izmjenama podataka Općinskog suda u Sarajevu, broj: 065-0-Reg-22-001978 od 29.8.2022. godine, na osnovu kojeg inspektor konstatuje da je upisana pod šifrom djelatnosti 85.10 predškolsko obrazovanje, privatna predškolska ustanova "BAMBINI", lice ovlašteno za zastupanje subjekta upisa, [REDACTED] direktor bez ograničenja ovlaštenja;
- Rješenje o ispunjenju uslova za rad predškolske ustanove "Bambini", broj: 11-03-38-34246/19 od 18.9.2019. godine, izdano od strane Ministarstva za obrazovanje, nauku i mlade, na osnovu kojeg inspektor konstatuje da predškolska ustanova "Bambini" ispunjava zakonom predviđene uslove za obavljanje djelatnosti predškolskog odgoja i obrazovanja. Adresa predškolske ustanove je ulica Garovci bb, Općina Hadžići, Sarajevo;
- Rješenje o upisu u Registar predškolskih ustanova, broj: UP-11-03-38-34246-1/19 od 20.9.2019. godine, izdano od Ministarstva za obrazovanje, nauku i mlade, na osnovu kojeg inspektor konstatuje da je Privatna predškolska ustanova "Bambini", Općina Hadžići, upisana u Registar predškolskih ustanova Kantona Sarajevo, pod rednim brojem 35, adresa Privatne predškolske ustanove "Bambini" je Garovci bb, Industrijska zona 2, Hadžići, Registar predškolskih ustanova Kantona Sarajevo, vodi Ministarstvo obrazovanja i nauke Kantona Sarajevo;
- Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe mješovita odgojna grupa od 3 godine do polaska u školu, sa evidentiranim odgajateljicama [REDACTED], BA predškolskog odgoja, [REDACTED] BA predškolskog odgoja i [REDACTED] asistent odgajatelja. Inspektor konstatuje da je u navedenoj grupi za školsku 2025/2026. godinu upisano 30 djece, od čega je A.M. ispisana 12.12.2025. godine i D.M. ispisana 20.1.2026. godine, a s danom nadzora 28 djece pohađa predmetnu odgojnu grupu. Evidencija o dolascima i izostancima na dan inspekcijskog nadzora uredno popunjena za mjesec, septembar, oktobar, novembar, decembar 2025. godine i januar i februar 2026. godine. Tabelarni podaci o djeci na dan nadzora uredno popunjeni, osnovne karakteristike

- konkretna odgojna grupa uredno popunjena. Inspektor nadalje konstatuje da je malodobno dijete [REDACTED] upisano u mješovitu odgojnu grupu od 3 godine do polaska u školu;
- Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe mješovita odgojna grupa od 3 godine do polaska u školu, sa evidentiranim odgajateljicama [REDACTED], BA predškolskog odgoja i [REDACTED], MR predškolskog odgoja. Inspektor konstatuje da je u navedenoj grupi za školsku 2025/2026. godinu upisano 30 djece, te s danom nadzora broj nije promijenjen;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe u 4. godini života "Pčelice", sa evidentiranim odgajateljima [REDACTED] BA predškolskog odgoja i [REDACTED], BA predškolskog odgoja. Inspektor konstatuje da je u navedenoj grupi za školsku 2025/2026. godinu upisano 27 djece, jedno dijete ispisano, D.H. na dan 27.1.2026. godine, stoga je na dan nadzora evidentirano 26 djece predmetne odgojne grupe;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe 1-2 godine života (Pandice), sa evidentiranim odgajateljima, [REDACTED] medicinska sestra/tehničar i [REDACTED], pedijatrijska sestra. Inspektor konstatuje da je u navedenoj grupi za školsku 2025/2026. godinu upisano 18 djece, jedno dijete ispisano, R.M. na dan 20.1.2026. godine, stoga je na dan nadzora evidentirano 17 djece predmetne odgojne grupe;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe u 5 godini života, sa evidentiranim odgajateljima, [REDACTED] BA predškolskog odgoja i [REDACTED] asistent. Inspektor konstatuje da je u navedenoj grupi za školsku 2025/2026 godinu upisano 28 djece, te sa danom nadzora broj je nepromijenjen;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe u 6. godini života, sa evidentiranim odgajateljima [REDACTED] BA BHS i [REDACTED] BA razredne nastave, odgajatelj. Inspektor konstatuje da je u navedenoj grupi za školsku 2025/2026. godinu upisano 32 djece, te sa danom nadzora broj upisane djece nije promijenjen;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe 2-3 godine života "Pačići", sa evidentiranim odgajateljima, [REDACTED] pedijatrijska sestra-tehničar i [REDACTED] BA pedagogije. Inspektor konstatuje da je u navedenoj grupi za školsku 2025/2026. godinu upisano 18 djece, te sa danom nadzora broj upisane djece nije promijenjen;
 - Dnevnik rada Privatne predškolske ustanove "Bambini", Garovci bb, Industrijska zona 2, Hadžići, školska 2025/2026 godina, sa nazivom odgojne grupe od 2-3 godine života "Ribice", sa evidentiranim odgajateljima [REDACTED] BA pedagogije, odgajatelj i [REDACTED], pedijatrijska sestra tehničar. Inspektor konstatuje da je u navedenoj grupi za školsku 2025/2026. godinu upisano 18 djece, te sa danom nadzora broj upisane djece nije promijenjen;
 - Postupajući kantonalni prosvjetni inspektor je uvidom u ljekarska uvjerenja djece mješovite odgojne grupe od 3 godine do polaska u školu, utvrdio da od 30 upisane djece predmetne grupe, dvoje djece koje je ispisano imaju uredno potvrdu o zdravstvenom pregledu, kao i ostalih 27, dok za jedno dijete I.I.M. nije dostavljeno ljekarsko uvjerenje niti potvrda o pregledu;

- Diploma [REDACTED] asistent, završena gimnazija, Srednjoškolskog centra Hadžići i Potvrda o upisanom Pedagoškom fakultetu Univerziteta u Sarajevu, odsjek Predškolski odgoj;
- Diploma [REDACTED] na osnovu koje inspektor konstatuje da je stekla zvanje Bachelor/Bakalaureat predškolskog odgoja, posjeduje Uvjerenje Ministarstva za odgoj i obrazovanje o položenom stručnom ispitu za samostalan odgojno-obrazovni rad;
- Diploma [REDACTED], na osnovu koje inspektor konstatuje da je stekla zvanje magistar predškolskog odgoja, posjeduje Uvjerenje Ministarstva za odgoj i obrazovanje o položenom stručnom ispitu za samostalan odgojno-obrazovni rad;
- Diploma [REDACTED] na osnovu koje inspektor konstatuje da je stekla zvanje Bakalaureta/Bachelor predškolskog odgoja, posjeduje Uvjerenje Ministarstva za odgoj i obrazovanje o položenom stručnom ispitu za samostalan odgojno-obrazovni rad;
- Diploma [REDACTED], na osnovu koje inspektor konstatuje da je stekla stručno zvanje, pedijatrijske sestre – tehničara, posjeduje položen stručni ispit
- Diploma [REDACTED] na osnovu koje inspektor konstatuje da je stekla stručno zvanje, medicinska sestra – tehničara, posjeduje položen stručni ispit;
- Diploma [REDACTED] na osnovu koje inspektor konstatuje da je stekla zvanje Bakalaureat/Bachelor predškolskog odgoja, posjeduje Uvjerenje Ministarstva za odgoj i obrazovanje o položenom stručnom ispitu za samostalan odgojno-obrazovni rad;
- Diploma [REDACTED] o završenoj Medresi, srednja stručna sprema, IV stepen i dokaz o upisanom Pedagoškom fakultetu, odsjek Predškolski odgoj, asistent;
- Diploma [REDACTED] na osnovu koje inspektor konstatuje da je stekla zvanje Bakalaureat/Bachelor bosanskog, hrvatskog i srpskog jezika i njiženosti naroda Bosne i Hercegovine, nema položen stručni ispit;
- Certifikat [REDACTED] o prekvalifikaciji za rad u predškolskom odgoju i obrazovanju, nema položen stručni ispit;
- Diploma [REDACTED] na osnovu koje inspektor konstatuje da je stekla stručno zvanje pedijatrijske sestre-tehničar, posjeduje Uvjerenje o položenom stručnom ispitu;
- Diploma [REDACTED] na osnovu koje inspektor konstatuje da je stekla stručno zvanje Bakalaureat/Bachelor pedagogije, nema položen stručni ispit;
- Diploma [REDACTED] na osnovu koje inspektor konstatuje da je stekla stručno zvanje magistar pedagogije, posjeduje certifikat o prekvalifikaciji za rad u predškolskom odgoju i obrazovanju, posjeduje Uvjerenje Ministarstva za odgoj i obrazovanje o položenom stručnom ispitu za samostalan odgojno-obrazovni rad;
- Svjedodžba [REDACTED] o završenom razredu srednje škole za zanimanje pedijatrijska sestra-tehničar, posjeduje Uvjerenje o položenom stručnom ispitu.
- Izvještaj o realizaciji godišnjeg programa rada za pedagošku 2024/2025. godinu, na osnovu kojeg inspektor konstatuje da je protokolisan pod brojem, 1124/25 od 5.9.2025. godine, Upravni odbor na XXII redovnoj sjednici održanoj dana 5.9.2025. godine, donosi Odluku o usvajanju izvještaja o realizaciji Godišnjeg programa rada Predškolske ustanove "Bambini" za pedagošku 2024/2025. godinu, Odluka stupa na snagu danom donošenja, te je ista potpisana od strane predsjednice Upravnog odbora [REDACTED];
- Godišnji program rada za pedagošku 2025/2026. godinu, na osnovu kojeg inspektor konstatuje da je protokolisan pod brojem 1125/25 od 5.9.2025. godine, Upravni odbor na XXII redovnoj sjednici održanoj dana 5.9.2025. godine, donosi Odluku o usvajanju Godišnjeg programa rada za Predškolske ustanove "Bambini" za pedagošku 2025/2026.

godinu, Odluka stupa na snagu danom donošenja, te je ista potpisana od strane predsjednice Upravnog odbora, S [REDACTED]

- Izvještaj o realizaciji Godišnjeg programa rada predškolske ustanove "Bambini" za period od 1.9.2025. godine do 31.12.2025. godine u pedagoškoj 2025/2026 godini, na osnovu kojeg inspektor konstatuje da je protokolisan pod brojem 1188/26 od 23.1.2026. godine, te da je Upravni odbor na XXIII redovnoj sjednici održanoj dana 23.1.2026. godine donio Odluku o usvajanju izvještaja o realizaciji Godišnjeg programa rada Predškolske ustanove "Bambini" za period od 1.9.2025. godine do 31.12.2025. godine u školskoj 2025/2026 godini, Odluka stupa na snagu danom donošenja i potpisana je od strane predsjednice Upravnog odbora, [REDACTED]

Nakon izvršenog usmjerenog inspekcijskog nadzora, na navode iz Prijave i naredbe Kantonalnog tužilaštva Kantona Sarajevo, postupajući kantonalni prosvjetni inspektor je utvrdio da je predmetna Privatna predškolska ustanova primila malodobno dijete I.I.M. bez ljekarskog uvjerenja, čime je postupila suprotno članu 18. stav (3) Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj: 26/08, 21/09, 33/21 i 31/22), što je kažnjivo na osnovu člana 63. stav (1), točka e) istog Zakona, to će postupajući kantonalni prosvjetni inspektor djelovati izdavanjem prekršajnog naloga.

Uvidom u Dnevnik rada i personalne dosije odgajateljica predmetne ustanove, postupajući kantonalni prosvjetni inspektor je utvrdio da predmetna ustanova nije postupila u skladu sa članom 15. stav (2), (3), (4) i (5) Odluke o pedagoškim standardima i normativima za predškolski odgoj i obrazovanje ("Službene novine Kantona Sarajevo" broj: 46/16, 12/21 i 20/22, 35/24 i 3/25), to će postupajući kantonalni prosvjetni inspektor djelovati izdavanjem Rješenja o naređenju, kojim će predmetnoj ustanovi narediti potpunu i pravilnu primjenu navedenog člana.

Neposrednim pregledom personalnih dosijea svih odgajatelja, postupajući kantonalni prosvjetni inspektor utvrdio je da svi odgajatelji ne posjeduju položen stručni ispit, a što je u obavezi, shodno odredbi iz člana 38. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj: 26/08, 21/09, 33/21 i 31/22), to će inspektor djelovati izdavanjem Rješenja o upozorenju.

Napominjemo da kantonalni prosvjetni inspektori ne vrše nadzor nad primjenom Zakona o radu Federacije BiH, kao i važećih podzakonskih akata iz oblasti radnog prava, to kantonalni prosvjetni inspektor nije ovlašten za utvrđivanje disciplinske odgovornosti zaposlenih. Nadležnost u kontekstu stručnog nadzora, tačnije postupanja odgajateljica prema djeci vrši Institut za razvoj preduniverzitetskog obrazovanja Kantona Sarajevo, stoga je postupajući kantonalni prosvjetni inspektor dostavio predmetnu Prijavu pomenutoj instituciji na nadležnost i eventualno dalje postupanje.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

